

## ԳԵՂԵՑԿՈՒԹՅՈՒՆ ԱՍՎԱԾ ԱՍՏԾՈՒ ԼՈՒՅՄ

Չատ տարիներ առաջ այնպես եղավ, որ Վահան Տերյանի մասին կինոպատմություն գրելու ցանկություն ունեցա, և Դայկինոյի իրավասուներն իսկույն պայմանագրեցին: Ի նշ լավ է, որ այդ սցենարը չգրվեց և չնկարահանվեց, այլապես աղարտված էր լինելու մեր մշակույթի նաև այդ սրբապատկերը, իսկ այսպես անաղարտ - մեզանից յուրաքանչյուրը ինչ-որ չափով բեմադրիչ է, բանաստեղծի կյանքի ու գործի ընթերցմանը զուգընթաց ծավալում ու ծածանում է պատկերներ, որոնք ամենահին էլ պակաս չեն այն պատկերներից, որ պիտի լինեին, բայց բարեբախտաբար չեղան: Զգոված այդ կինոպատմության մեջ և գեղջկական ծանր աշխատանք կար, և նախնիների համար մղումը դեպի Եվրոպա ու լույս, և վաճառք շինելու դովագները, և տեր Սուքիասի «Տոլստովը», և Բրեստ-Լիտովսկի կործանարար պայմանագիրը, և գնացքի նույն վագոնում ու թերևս նույն խցում թուրք քոքված դիվանագետի ու Վահանի ճամփորդությունը՝ որ Թումանյանի կյանքից էր առնվում, և Օրենբուրգի սառը տափաստաններն ու մահը: Մի խոսքով, դա հայ մեծ բանաստեղծ Վահան Տերյանի ողբերգական կյանքն էր և ոչ թե մեկ ուրիշինը:

Չեմ պնդում, թե երբեւ այլևս չեմ դառնալու Տերյանին ու իր ժամանակին: Աշխարհի քար անտարբերությունը հայ ժողովրդի բախտին, տիրակալությունների ու կառավարությունների՝ թվում է դավադիր ու դաշնակից լրությունը մեր ողբերգության առաջ՝ մի կողմից, և մյուս կողմից մեր ճիգերի պոետական խեղճությունը, որ հար և ննան է Տերյանի անզորությանը, մեր հայացքներն ամեն անգամ դարձնում են Տերյանի ճակատագրական օրերին, երբ դավն ավելի քան բաց էր և մեր ճիգերն ավելի քան հավատավոր ու մաքուր: Երևի թե, երբեւ, իմ ցավն ու սերը բաժանող, ինացությունների պաշարն իմ պաշարներից հարուստ և նյարդերն ինոնցից կայուն մի համախոհ գտնեմ և միասին գուրգուրենք «Որպես առաջին քիստոնյաները» այդ կինոպատմությունը:

Այդ ժամանակ, գիտեմ, իմ վերաբերմունքի մեջ շատ բան փոխված, փոփոխված ու ժխտված կլինի, մասնավորապես՝ իրապարակայնության պայմաններում հնարավոր կլինի ավելի մոտիկից տեսնել Բրեստ-Լիտովսկի մասին ծշմարտությունը, որ հայ ժողովրդի ապագան, հինա՝ ներկան, ջլատեց ու մաշեց, և փոխված ու փոփոխված չի լինի մի դրվագ. սպիտակ պաստառի ֆոնին կանգնած՝ բանաստեղծն արտասանում է.

Արևավոր իմ պատանի, կարմիր է քո հարսնացուն,  
Սիրտս քո մոր, սիրտս քո մոր հեկեկանքով է լեցուն...

.....

Մենք բոլորըս, բոլորըս, մանուկներ ենք որք,  
Մանուկներ ենք մենք կորած - հավիտյան անմայր...

---

Մեզ չի՝ հասկանա օտարերկրացին,  
Մեզ չի՝ հասկանա սառն օտարուիին...

---

Գարնան ամպին լույս ոլորտում ասում եմ ես մնաս բարով...

Եվ այսպես՝ գուցե տասնինգ, գուցե քսան լիքը րոպէ: Իսկ կինոյի րոպեն իսկապես լեցուն է որպես զտված մաքրության միտող ոսկի: Արտասանում է, ժուժկալ գոհությամբ տեղում շտկվում (և այդ լուսությունը մի բանաստեղծության վերջն է լինուն և մյուսի սկիզբը), արտասանում: Եվ միայն այդ բաքուն ժպիտն է մատնում, որ ժողովրդի առջև դահլիճուն է, որ ժողովուրդն ու իր մարդարեն իրարու գտել են:

Այդ կինոպատմությունը ե՞ս կգրեմ թե մի ուրիշը՝ անհայտ է, բայց դրվագը չի փոխվի: Այդպես են կարծում, որովհետև այդ բանաստեղծությունները, մեր ազնվական հոգու, մեր բախսի ամենախորերից գտնված այդ ճշնարիտ վկայությունները եզակի են և ընդմիշտ: Եվ Սարյանի կտավներ, Խաչատրյանի «Տոկատա», Թումանյանի «Բարձրից» հյուսած, Չարենցի «Շավարշը» կոանած մեր մշակույթի մեջ Տերյանի այդ բանաստեղծությունների, այդ «Գագել հրաժեշտիի», այդ «Նախրիի» համարժեքն ստեղծելու մասին խոսք լինել չի կարող, իրենց մասին այդ բանաստեղծությունները պետք է միայն իրենք խոսեն:

Լև Տոլստոյը մարդկանց համար հացի պես ապրողների և մարդկանց հաշվին իրենց համար ապրողների մասին մի գրվածք ունի: Տեր Սուլքասի «Խավար» ժամանակներում Տոլստոյը Զավակսի գոնե մի ընտանիքուն հայտնի գրող ու հեղինակավոր մտածող էր, համատարած գրագիտության մեր ժամանակներում այդ վիթխարին որևէ սրտում տեսնես խոկուն ու տառապո՞ւմ է - կասկածում են: Նա, ով մարդկանց հաշվին միայն իր համար ապրեց՝ լակեց ու լակեց, զվարճացավ ու փշացավ՝ մտավ քրոնե սապոգների ու կաղնե դագաղի մեջ, քրոնե հատուկ սապոգների ու հատկապես կաղնե՝ դագաղի, և լավ կերած-խնած իր մարմինը որդերին տարավ, նրա ոչ կաշին, ոչ միսը ոչ մեկին այս աշխարհում պետք չեկավ, և նա՝ Խոլստոմեր ծին, որ իր կենդանի գնացքը մարդկանց տվեց, կյանքին թողեց նաև իր միսն ու ոսկորը, կաշին ու արյունը. կաշին կաշեգործին գնաց, ոսկորը՝ կոճագործին, արյունը ծիապահ շանը գնաց, միսը՝ սովահար մայր գայլին ու գայլուկներին:

Կյանքում ու գրականության մեջ ես մի ուրիշ օրինակ չգիտեմ, որ այդպես էապես ցուցադրեր Տերյանի կյանքի ու գործի այդ

անմնացորդ նվիրումը կյանքին. նրա գործն ու փորձը, նրա ձախողումն ու հաջողումը, նրա պոեզիայի միսն ու ոսկորը ամբողջովին ներկալվեց իր ժամանակի ու հետագա հայ կյանքից ու գրականությունից: Նա չարտագրված բառ չունեցավ: Նա չքաղաքերված տող չունեցավ: Նա լեզու դրեց հայ գրականության բերանը, բնագդային անորոշ թրիխները, որ անգամ Թումանյանից ճանաչվելուց էին խուսափում, Տերյանից անուն ու նշանակություն առան և իրենից հետո եկողի համար արդեն կայուն բառամթերք էին, իրենից հետո եկողն արդեն կարող էր հայոց լեզու հրավիրել նաև այնպիսի գրողների ու մտածողների, ում համար մինչև Տերյանի հայտնությունը մեր լեզուն տեղ չուներ: Արդյո՞ք այս նույն երևույթը ի նկատի չունի Աստվածաշունչը խոսքի մասին իր առակում. «Ի սկզբանն էր բանն...»: Միայն:

Տերյանն, այդ, հայոց լեզվին բան տվեց, և լեզուն, որ ամբողջ մշակույթի հիմքն ու հենքն է, յուրացնել սկսեց երևույթներ, որ մինչև Տերյանը միայն ուրվագծել էր զորում: Սա զուտ Տերյանի վաստակն է, թե՞ նաև իր ժամանակի: Իր գործի նշանակությունը ոչ ավելացնելով և ոչ էլ նվազեցնելով ասենք, որ նաև ինքը Տերյանն էր բազում ժամանակների ու սերունդների համար աշխատանքի արդյունք, բայց ասենք նաև, որ իրենից հետո հայ նկարչությունն սկսեց այլ կերպ տեսնել ու նկարել, քան մինչև Տերյանն էր նկարում. իրենից հետո հայ ճարտարապետությունը սկսեց նկարել ու կառուցել այլ կերպ, քան մինչև Տերյանը. և երաժշտությունը, և բուն բանարվեստը: Այլապես՝ հնադավաններ կլինեին և ժամանակավետակ կկոչվեին:

Նկատված երևույթ է, որ գաղթածները նոր վայրերում փնտրում ու գտնում են իրենց հին հայրենիքին հնարավորինս նման հայրենիք և հին տունը նոր գյուղում նույնությամբ վերականգնում են. առջևները հեռվում սար է եղել՝ նոր վայրերում են սար փնտրում, գյուղը գետի ակունքներում է եղել՝ այստեղ են ակունք գտնում, դուռն արևելք է նայել՝ դարձյալ արևելք է նայում: Մեր խոսքը հիմա, սակայն, Բյուրակն ու Զավախը աշխարհների անվերապահ նմանության մասին չէ - միմյանց նույնությամբ կրկնելու մասին է երկու, թվում է, հեռավոր աշխարհների՝ Զավախը աշխարհի և Տերյանի բանաստեղծության: Ժողովրդի և բնության այս գեղեցկապաշտությունը և Տերյանի բանաստեղծության այդ գեղեցկապաշտությունը փոխվանչի մեջ են և իրարու գտնում են: Եթե աչքերս կապած ինձ պտտեին հայրենի երկրում և միայն մի փոքրիկ պատկեր տեսնեի, որ տեսա - սիրունիկ հագնված աղջնակը ինքը իրեն չափ էր տալիս և ուղի ու հորթի առջև պարում, կամ հեռվի գետակից մի ոլորան տեսնեի, կամ վանքի մի պատը, կամ հացի ու կարտոլի խնամված ցանքերից մի գորգաչափ տեղ,- պիտի ասեի.

դուք ինձ բերել եք Տերյանի Զավախք, այսքան գեղեցիկ միայն  
Տերյանի պոեզիան է:

Ամենանյա մեր այս ուխտագնացությունը և մեզ է հարկավոր, և  
իրեն պոետին. մենք նրա անմահությունն ենք, ինքը մեր կարիքը  
ունի, առանց մեզ՝ նաև իր դողանջն էր մարելու, ինչպես որ մարել  
է, ասենք, Աղթամարի դողանջը. և մեծից փոքր ու դեկավարից  
հասարակ մենք բոլորս իր կարիքը ունենք, քանի որ մարդու  
նպատակը վեհ ու վեր մի գեղեցիկ բանի առնչվելն է: Դեայի ինքը  
ձգտելով՝ մենք այդ վեհին ու վերին ենք ձգտում:

26.07.1987